

Dank a d'Organisatore

Mit em VfHk nach Verona fahre
isch en guete Entscheid gsi, mir händs alli erfahre.
Im ene Twerebold-Car i de Königsklass
do macht doch s'Reise würllich Spass.

Steil und schmal sind gwüssi Strasse
doch de Eike nimmt's ganz glasse.
eus dehinde isch es nümm ganz ghür
doch keis Problem, mit em Eike am Stür,
din Fahrstil düend mer alli lobe
und trink en feine Wy heut Obe.

Kulinarisch sind die Täg Spitzeklass
so macht s'Läbe grosse Spass.
De Apéro mit Wy und Häppli gnüsse,
denn Primi Piatti mit feinem Wy begüsse,
Secondi Piatti und Dessert tüend s'Esse abrunde
aber als Höhepunkt hämmer de Amarone empfunde.
Mini Figur isch debi usem Ruder glaufe
ich mues morn sicher go neui Hose chaufe.
D'Maria Luisa, das isch eus allne klar
isch für die Organisation en Superstar.

De Sepp isch zerscht negativ ufgfalle
er het en Huffe Geld welle vo eus alle
doch nach de Reis isch er beliebt,
will, er häts ja bestens investiert.

De Oranisatore herzliche Dank für die 4 schöne Tage
D'Hertha und de Paul us Ennetbade.